

ERAKUNDE ADIERAZPENA

1813ko abuztuaren 31n, Donostiari su eman eta hiria txikitu zuten Ingalaterrako eta Portugalgo soldaduek; XIX. mendearen hasieran Europa suntsiturik utzi zuten Napoleonen garaiko gerrek ekarri zuten gertakari tragikoetako bat izan zen. Zubietan Aizpurua baserrian elkartu ziren donostiar haiek hiria berreraikitze erabakia eta kemena izan zuten, eta, horri esker, urteak aurrera egin ahala, Donostia handituz eta aldatuz joan da, hirigintzari, ekonomiari, gizarteari zein kulturari dagokionez, gaur hiri moderno eta kosmopolita bihurtzera iritsi arte.

2013an oroituko dugu, beraz, Donostia suntsitu eta ondoren berreraiki eta birsortzea erabaki zeneko bigarren mendeurrena, mugari historikoa, zor zaion gisan oroitza egin beharrekoa.

Hain zuzen ere, 2011.12.28ko bilkuran erabaki zuen aho batez Udalbatzak bigarren mendeurrenari buruzko Erakunde Adierazpena, hauxe aldarrikatzen zuena: oroitzapen horrek eskatzen zuela jardueraz, hitzaldiz, topaketa akademikoz, eta era askotako ekitaldi kultural, sozial eta ludikoz osatuko zen programazio zabala; eta programa hori prestatzeko beharrezkoa zela hiriko, Gipuzkoako eta Euskadiko erakunde publiko eta pribatuen parte-hartze aktiboa, eta, bereziki, ekonomiako, gizarteko zein kulturako eragileena, bai eta donostiar guzti-guztiena ere. Aldarrikapen hari dagokionez, argi asko erakutsi dute donostiarrek parte-hartzeko konpromisoa; heldu zaigun proposamen-sorta ikusi baino ez dago.

Beharrezkoa zaigu hiritarrek 2013ko ekitaldi eta jardueretarako erakutsi duten energia horri zor zaion giza eta diru baliabideak izatea, bai eta Udaleko taldeekin eta eragile kultural, sozial zein hiritarrek adosturiko eta partekaturiko programa egitea; hiria berreraikitzea erabaki zutela bi mende igaro direla oroituko duena eta donostiarrek asebetete eta harro sentiaraziko dituen.

Orain helburua eta erronka, 1813-2013 bigarren mendeurrena oroitu eta ospatzeko programa antolatzea da, kalitatezkoa, parte-hartzeko aukera emango duena, donostiarrei eta kanpotik datozkigun bisitariei interesgarri gertatuko zaiena, Europa mailako proiektioa izango duena, eta mugari garrantzitsu 2016rako bidean, Donostia Europar Kulturaren Hiriburu izango baita urte horretan. 1813-2013 bigarren mendeurrena aukera paregabea dugu, alferrik galdu ezin duguna, Donostiaren irudia kanpoan proiektatzeko eta gertakari historiko hau herritarren inplikazioaren motor bilakatzeko, bertako ekonomia suspertzeko, merkataritza, turismo eta kulturaren alorretan aberastasun eta enplegua sortuko dituen motor bihurtzeko.

Baina, batez ere, bigarren mendeurrenako ekitaldiek balio behar dute 1813an egiatan zer gertatu zen oroitzeko, belaunaldi gazteei ezagutarazteko, zer gertakari historikok ekarri zuten hiria arpilatu eta suntsitzea; goraipatu donostiar haien erabakimena eta indarra, Zubietan elkarturik, errautsetatik hiri berriro eraikitzea hitzartu baitzuten; eta duen balioa eman,



Donostiako Udala
Ayuntamiento de San Sebastián

halaber, hirigintzak, ekonomiak, gizarteak eta kultural berrehun urte hauetan izan duen garapenari, horri esker bihurtu baita Donostia hiri moderno, ireki eta kosmopolita, erreferentzia puntu hainbat alorretan.

Hitz batean, bigarren mendeurrenak bat egin behar ditu hiriaren iragana, oraina eta etorkizuna, eta kohesio, ilusio eta harrotasunerako baliabide izan behar du donostiar guztiguztientzat.

Horregatik guztiatik, behean sinatzen dugun taldeok, Araudiko 104. artikularekin bat etorritik, proposatzen diogu Udalbatzari onar dezala honako

ERAKUNDE ADIERAZPENA

1.- Donostiako Udalak bereziki garrantzitsu irizten dio 1813-2013, hiria suntsitu eta berreraikitzea erabaki zen une haren oroitzapena egiteari; mugarri historikoa, lau helburu ardatz hartu behar dituenak: **ezagutarazi, oroitu, oroitzapena egin eta eraikitzen jarraitu.**

2.- 1813-2013 Bigarren mendeurrenako ekitaldiek balio behar dute 1813an, ezinbestekoa den zorroztasunez, egiatan zer gertatu zen oroitzeko, belaunaldi gazteei ezagutarazteko zer gertakari historikok ekarri zuten hiria arpilatu eta suntsitzea; goraipatu donostiar haien erabakimena eta indarra, Zubietan Aizpurua baserrian elkaturik, errautsetatik hiri berriro eraikitzea hitzartu baitzuten; eta duen balioa eman, halaber, hirigintzak, ekonomiak, gizarteak eta kultural berrehun urte hauetan izan duen garapenari, horri esker bihurtu baita Donostia hiri moderno, ireki eta kosmopolita, aitzindari alor batean baino gehiagotan.

3.- Bigarren mendeurrena egitasmo kolektiboa da –hala erakutsi dute donostiarrek bidalitako proposamen eta egitasmo ugariak– eta erakunde publiko eta pribatuen parte hartzea behar du, eragile ekonomiko, sozial eta kulturalena, eta donostiar guztiena.

4.- Halaber, bigarren mendeurrena aukera paregabea da Donostiaren irudia hemendik kanpo proiektatzeko, aukera paregabea oroitzapen-ekitaldiak bertako ekonomia suspertzeko motor bihurtzeko, hiriko merkataritza, turismo eta kultura alorrean aberastasuna eta enplegua sortzeko, aukera paregabea funtsezko mugarri izateko 2016an Europako Kultura Hiriburu izatera eramango gaituen bidean.

5.- Aipatutako helburuak lortzeak eskatzen du askotariko jardueraz osatutako programazioa antolatzea: izaera akademiko, kultural, sozial zein jai-girokoak. Hiriaren eta donostiarren historian bigarren mendeurrenak duen garrantziaren arabera programazioa, 2013. urte osoan zehar hezuramaituko dena.

6.- Gertatutako ezagutu, oroitu eta haren oroitzapena egiteak eskatzen du, halaber, programazioak izan behar dituela bere baitan Giza Eskubideak, eta Bakerako eta Bizikidetzarako heziketa ardatz izango dituzten ekimenak, haur eta gazteei bereziki zuzenduko zaizkienak.




Donostiako Udala
Ayuntamiento de San Sebastián

7.- Aldi berean, bigarren mendeurrenak utzi behar luke bere mugarría etorkizunerako hiriaren arkitekturan, kontuan izanik berreraikitzeak itxura-aldaketa ekarri ziola Donostiari, gaur eredutzat hartzen den garapen urbanistiko eta arkitektonikoa, alegia.


8.- Bigarren mendeurrenak etorkizunari ere begiratu behar dio, eta hiriaren geroaz gogoeta egiteko guneak eskaini, akademian, ekonomian, gizartean edo kulturaren eragile direnek azter dezaten krisia leku guztietara zabaldu den garaiotan, zein diren XXI. Menderako "berreraikitze", "birsortze" aukerak.

9.- Donostiako Udaltzarak eskatzen die Gipuzkoako Foru Aldundiari eta Eusko Jaurlaritzari parte har dezaten, aktiboki, Donostiaren Berreraikuntzaren bigarren mendeurrenaren ospakizunean. Halaber, deia luzatzen die Gipuzkoa eta Euskadiko herritarrei eta ospakizun honetan parte hartu nahi duten erakunde pribatu nahiz publiko orori.


Donostian, 2012ko urriaren 5ean




Josu Ruiz
Bildu udal taldea



Marisol Garmendia
PSE-EE udal taldea



Jose Luis Arrue
PP udal taldea



Eneko Goia
EAJ/PNV udal taldea